

Groth, Klaus: De Weg an unsen Tun hentlank (1859)

1 De Weg an unsen Tun hentlank
2 Dar weer dat wunnerschön!
3 Dar weer des Morns min eersten Gank
4 Int Gras bet anne Kneen.

5 Dar spël ik bet to Schummern hin,
6 Dar gev dat Steen un Sand;
7 Des Abends hal mi Obbe rin
8 Un harr mi bi de Hand.

9 Denn wünsch ik mi, ik weer so grot,
10 Dat ik der røwer seh,
11 Un Obbe meen, un schütt den Hot,
12 Dat keem noch vels to fröh.

13 Dat keem so wit, ik heff se sehn,
14 De Welt dar buten vøer:
15 Ik wull, se weer man half so schön,
16 As do min Platz vøer Døer.

(Textopus: De Weg an unsen Tun hentlank. Abgerufen am 23.01.2026 von <https://www.textopus.de/poems/56607>)